

Stáhtaráđđi dohkkehii ásahusa sápmelaš dálkkádatráđis

Ođđa dálkkádatlága vuodul ásahuvvot oaivilduvvon sápmelaš dálkkádatráđdi álggaha doaimmas giđđat. Sápmelaš dálkkádatráđi mihttomearrin lea buktit sápmelaččaid diehtovuodu ja oainnuid oassin dálkkádatpolitihka válmmaštallamii.

Stáhtaráđđi dohkkehii odne 9. njukčamánu ásahusa sápmelaš dálkkádatráđis. Sápmelaš dálkkádatráđdi lea sorjjaskeahkes áššedovdiorgána. Dan mihttomearri lea buktit sápmelaččaid diehtovuodu ja oainnuid oassin dálkkádatpolitihkalaš válmmaštallamii.

“Dálkkádaga báhkaneapmi váikkuha eareliiggán vugiin sáme kultuvrii ja árbevirolaš ealáhusaide, maid vuoddu lea ártkalaš luonddus. Danin lea vealtameahttun, ahte sámiid eamiálbmotdiehtu sáhtá váldot nannosit vuhtii dálkkádatpolitihka guoskevaš mearrádusdakkamis. Sápmelaš dálkkádatráđis leat vejolašvuodát maiddái doaibmat riikkaidgaskasaš ovdavázzin ja háltečujuheaddjin eamiálbmoga rivttiid vuhtii váldán dálkkádatpolitihkkii”, dadjá biras- ja dálkkádatministtar **Maria Ohisalo**.

Dálkkádatráđdi buvttada diehtovuodu sáme kultuvrra ja sámiid rivttiid geahččančiegas

Dál dohkkehuvvon ásahusain aiddostahttit dálkkádatlága njuolggadusaid sápmelaš dálkkádatráđis: Sápmelaš dálkkádatráđis lea sátnejođiheaddji, várresátnejođiheaddji ja eanemustá logi eará lahttu. Unnimustá bealli lahtuin galget leat sámi árbevirolaš dieđu hálddašeaddjit. Eará dálkkádatráđi lahttut ovddastit birasdiehtagiid dahje eará guovddáš dieđasurggiid.

Dálkkádatráđi doaibman lea earret eará buvttadit diehtovuodu sáme kultuvrra ja sámiid rivttiid geahččančiegas našuvnnalaš dálkkádatpolitihka váikkuhusaid árvvoštallama ja čuovvuma várás.

Sáme kultuvra eandalii rašši dálkkádatnuppástussii

Dálkkádat lieggana ártkalaš guovlluin fuopmášahtti jođáneappot go eará sajiin máilmmis. Sáme kultuvra lea earenoamáš rašši dálkkádaga liegganeapmái, go árbevirolaš sáme kultuvra lea goallostuvvon ártkalaš lundui.

Sápmelaš dálkkádatráđdi lea máilmmiviidosoččat áidnageardásaš našuvnnalaš orgána, mii váldá vuhtii eamiálbmogiid rivttiid.

Dálkkádatráđi ásaheapmi válmmaštallo giđa 2023 áigge.

Lassedieđut:

Karin Cederlöf
hálddahusčálli
birasministeriija
t. 0295 250 010
karin.cederlof@gov.fi

Ministara jearahallanbivdagat:

Heikki Isotalo

biras- ja dálkkádatministara sierraveahkki

t. 040 861 7204

heikki.isotalo@gov.fi